

Ny Mpialoha Lalana.

Tamin'ny fotoan'androny, ny mpianany dia nahita fa tafintohina ny olona rehefa nanatri-maso ny lehilahy iray atao hoe Jesosy Kristy - izay olona tamin'ny vanimpotoan'izy ireo. Raha Davida na Mosesy, na Noah, na mpaminany hafa no nijoro vavolombelona tamin'izy ireo dia tsy ho tafintohina izy ireo. Ny antony dia satria izy ireo hilaza tantara sy ny zavatra nataon'Andriamanitra tamin'ny fotoan-dasa. Fa rehefa ny mpianany kosa no nilaza ny momba an'i Jesosy sy ny asa fanompoany izay lehilahy tamin'ny andron'izy ireo, araka ny fahatanterahan'ny faminaniana, dia tena tafintohina izy ireo - indrindra indrindra fa ireo mpitarika fivavahana ireo.

Raha amiko manokana, dia mbola tahaka izany ihany ny toetra sy ny fomba fisehony ankehitriny. Raha hiresaka momba an'i Paoly aho izao na i Petera, na i Jaona na i Luther, na i John Wesley, na i Calvin, dia tsy ho tafintohina ny olona. Na dia ho resahina aza ireo izay ratsy ny nataony, tahaka andr'i Jodasy, Heroda, Ponsy Pilato, Farao, eny fa na dia Satana mihintsy aza - dia tsy mahatafintohina izany na dia kely monja aza. Ny antony dia satria amin'ny olona izany dia mijanona ho tantara izay tsy misy hifandraisany amin'izao fianana ankehitriny izao. Ny olona dia manaiky, manaja, ary mitehaka tamin'izay vitan'izy ireo. Fa rehefa resahina ny amin'ny andron'izy ireo dia miteraka fanoherana be - izay mitovy tsy misy hafa ny tamin'ny nijoroan'ny mpianatra momba an'i Jesosy. Naleon'ny ankamaroan'ny Kristiana (indrindra ireo mpitarika fivavahana ireo) nanohitra izany mafy dia mafy toy izay resy lahatra, nanaja ary nanaiky ilay tantara izaynofidian'Andriamanitra manokana "tamin'ny androny"(contemporary), izay natao mba ho fanantanterahana tsy manampaharoa ny faminaniana amin'izao fotoana izao.

Ny Baiboly dia milaza toy izao:

Hebreo 11:6

Fa raha tsy misy finoana dia tsy afaka hamalifaly Azy isika; fa izay rehetra tonga ao amin'Andriamanitra dia tokony hino fa Izy no Izy, ary Izy no mpamaly ireo izay fatrapitady Azy.

Asa 13:48

Ary rehefa henon'ny Jentilisa izany, dia faly izy ireo, sy izay voalahatra ho amin'ny fiainana mandrakizay dia nino ary nanome voninahitra ny tenin'ny Tompo.

Araka ny Soratra Masina, Izaho amin'ny fadresen-dahatra avy amin'ny alalan'ny saiko dia tsy afaka mandresy lahatra na iza na iza, fa ao Andriamanitra. Na hampanaiky azy ireo aho fa Andriamanitra dia miasa amin'izao vanim-potoana izao. Zavatra roa no tsy maintsy mifandray: Voalohany dia tsy maintsy mino ilay olona iray "fa Andriamanitra Izy" ary "mamaly" an'ireo izay rehetra fatra-pitady Azy Izy; faharoa, araka ny "Fahendrenan'Andriamanitra hatrany amboalohany", izy ireo dia "voalahatra ho amin'ny fiainana mandrakizay". Raha tsy izany dia tsy hanaiky ny fijoroako izy. Alohan'ny ahatongavany ao amin'Andriamanitra dia tsy maintsy mino izy fa misy Andriamanitra, ary faharoa, alohan'ny hinoany fa Andriamanitra dia manao zavatra amin'ny fotoan'androny (izao taranaka izao), dia tsy maintsy hinoany koa izay nataon'Andriamanitra tamin'ny vanim-potoana hafa (taranaka hafa).

Noho izany, raha afaka mino isika fa misy Andriamanitra, ary te ahafantatra sy ahalala ny ao aminy sy izay vitany tamin'ity taranaka ity, dia mila mahafantatra ny asany isika, ny endriny, ary ny

fampanantenany tamin'ny taranaka tany aloha. Satria araka ny "Teniny", dia "Tsy miova Izy" ary hiasa amin'izao fotoana izao tahaka ny nataony tamin'ny lasa. Ny Baiboly dia milaza amintsika fa "Andriamanitra dia tonga lafatra amin'izay ataony rehetra. "Raha mahakasika ny olombelona dia tsy miova Andriamanitra, na manaraka toetr'andro (update), na lasa moderna ny fisainany, ny endriny, na ny fomba fiasany. Fa "fitaovana" iray ihany no nanombohany sy namaranany - dia "Ny Teniny" sy "Finoana" (tena fahatokisana tanteraka) ao anatin'izany Teny izany.

Noho izany indrindra aza dia ny tsy fahampian'ny tena finoana ny tenin'Andriamanitra no nahatonga ny fahalavona tamin'ny voalohany. Eva dia namela an'i Satana mba hahatonga azy "hisalasala" amin'ny Teny iray izay an'Andriamanitra. Ohatra iray hafa ny an'i Kaina sy Abela - Ny Teny dia nambara tamin'i Abela (tamin'ny finoana -Fanambarana Ara-panahy tao anatin'ny fony); ary miasa avy amin'ny alàlan'izay nambara taminy izy ka nanao sorona" tsara lavitra ary neken'Andriamanitra". I Kaina kosa dia nivily tamin'ny Teny - izay nambara tamin'i Abela, ka nanao sorona araka izay tiany. Nolavina izy. Tokony hotadidiantsika fa "ny Teny dia tsy hahasoa antsika raha tsy mifangaro amin'ny fnoana." (tena fahatokisana) (Hebreo 4:2)

Andeha ary isika haka ity ohatra iray ity:

"Tamin'ny finoana i Noah, izay nampitandrem'an'Andriamanitra ny amin'ny zavatra mbola tsy hita dia nandeha tamin'ny tahotra, nanamboatra sambofiara mba hamonjena ny ankohonany; tamin'izany dia niapanga izao tontolo izao izy, ary lasa mpandova ny fahamarinana dia ny finoana." Hebreo 11:7

Jereo anie e "tamin'ny finoana" no nanaovan'i Noah izany. Nino izy fa niresaka taminy Andriamanitra dia izany finoany izany no niasany. Fa jereo anie ireo olona izay niaina tamin'ny andron'i Noah e - Inona ny zavatra tsy efa noheritreretin'izy ireo momba io lehilahy antitra io? Tadidio fa i Noah dia olona iray, fa tsy fiangonana na antoko-piangonana. Ny hafatra nentiny dia tena vaovao - ary tena mbola tsy heno na oviana na oviana. Io dia miresaka zavatra tsy mampino ny ahatanterahany - naminany izy fa hisy orana hilatsaka avy any an-danitra. Satria ny tany mantsy dia ranonando no nanome rano azy tamin'izany. (Genesisy 2:6), mbola tsy nahalala orana ny olona talohan'io. Fa i Noah dia nanamafy fa hisy orana ka hahatonga tondra-drano be ary izao tontolo izao dia ho gefika. Ny asa nataony dia nampiseho fa ninoany izay notorianty. Nanamboatra Sambofiara izy mba ho famonjena ireo izay manam-pinoana. Eritrero anie hoe niaina tamin'izany ianao e, dia naheno ny esoeso sy ny fandrabilabiana. Nahoana, satria tena mbola tsy nahare zavatra kidaladala tahak'izany izy ireo. Fa na dia teo aza ny tsy finoan'izy ireo, dia izay ny lâlan'Andriamanitra tamin'ny andron'i Noah - Na hino izany izy ireo na tsia. Nandefa olona iray izay mitondra hafatra Izy, ary izay rehetra nihaino io lehilahy io dia novonjena - ny ambiny dia very. Ahoana ary raha toa ka niandry olonkafa i Noah mba hitory an'io? Dia mety tsy nisy mihintsy ny fanairana, fa nanana finoana izy fa Andriamanitra no niresaka taminy, ka dia narahany arak'izany. Tamin'ny finoana no ninoan'i Noah an'Andriamanitra, ary niapangany an'izao tontolo izao sy ny mponina ao aminy, afa-tsy ny ankohonany ihany. Izao ary, raha niaina tamin'ny andron'i Noah ianao, dia nieritreritra azy ho very saina ve ianao, na hoe miziriziry amin'ny heviny, sa hanao azy ho mpaminanin'Andriamanitra, izay mahavonjy anao sy ny ankohonanao?

Angamba ianao mahita fa sarotra ny hametraka ny tenanao amin'ny andron'i Noa. Raha izany ary dia andao isika hanatona ny andron'i Abrahama. Abrahama dia tsy notezaina tao amin'ny fahamarinanan'Andriamanitra - raha ny marina, ny fianakaviany dia ntaolo (olona taloha). Fa indray andro anefa Andriamanitra dia niteny taminy, nilaza taminy mba hiala amin'ny tanin-drazany mba ho any amin'ny tany vaovao. Ny Baiboly dia milaza fa rehefa lasa i Abrahama, dia nandeha "nefa tsy fantany izay halehany," fa nino izy fa Andriamanitra no niteny taminy, ary nilaza tamim-pahasahiana

ny fianakaviany izy, "Izaho dia hiala eto ka hankary, ary na tany inona na tany inona hitan'ny masoko ka hametrahako ny tongotro dia Andriamanitra no efa hanome izany ho antsika. "hitanareo Abrahama tsy nino an'Andriamanitra fontsiny, fa nino Andriamanitra. Tena misy fahasamihafana eo amin'ny mino an'Andriamanitra sy ny "mino izay REHETRA" teneniny ao amin'ny Teniny. Mino ve ianao tahaka an'i Abrahama, nino Andriamanitra? Ao amin'ny bokin'ny Nomery ny Tompo dia nanakiana mafy ny Zanak'Isiraela noho ny tsy finoany ka nanao hoe: "... Mandra-pahoviana no hamotsifotsian'ity firenena ity Ahy? Ary mandra-pahoviana no hino Ahy ry zareo? na dia teo aza ny famantarana rehetra izay nataoko teo aminy?" Nomery 14:1. Ary raha ianao ohatra dia fianakavian'i Abrahama, mety ninonao ve ny havanao tamin'ny fanambarana tsy mahazatra azony avy amin'Andriamanitra? Moa ve ianao mety nanaraka azy, na mety hoy ianao hoe: "Andraso iray minitra, tia anao izahay ry Abrahama, fa mbola tsy nahare olona miteny an'izany izahay hatramin'izay. Ahoana no ahafantaranay hoe niresaka tamin'Andriamanitra ianao?" Angamba ianao tsy nahatoky ny hafany, dia nanao hoe: "Tsy misy an'izany ry Abrahama; ny mpisorona tsy nampianatra an'izany, ary ianao dia tsy manana hanamarinana izany. Ankoatran'izany, inona no porofo entinao fa renao tamin'Andriamanitra mihitsy izany?" Ary, Abrahama, tokoa tsy nanana porofo azo tsapain-tanana, satria ny porofony dia tsy azo tsapain-tanana izay nihidy tao am-pony. Ary ho an'i Abrahama, ny finoany dia nanana ny "maha izy azy" sy ny "porofony" (Hebreo 11: 1) mba hahatonga azy ho nino azy io ka niasa tamin'ny alalany. Fantatsika taty aoriana aza fa rehefa nandeha i Abrahama dia nandao ny tobiny i Lota zana-drahalahiny ka nandeha nidina tany amin'ny tanin'i Sodoma sy Gomora, ny lalan'izao tontolo izao. Teto ary i Lota, izay lehilahy marina, nipetraka teo ambavahadin'ny tanàna, rehefa tonga ny iraka roa avy any amin'ny toby nisy an'i Abrahama, izy dia nahafantatra ireo fa ireo Anjely Irak'Andriamanitra. ireo dia tsy mba nanana helatra mikopakopaka, fa iraka avy amin'Andriamanitra mitondra teny avy amin'ny Tompo. Izy rahateo moa nihaino tsara ny hafatra mampatahotra netin'izy ireo. "Mivoaha ao Sodoma sy Gomora! Lalao io Tanana io! Aza miherikerika, fa ho potehin'Andriamanitra amin'ny afo io. Afaka raisinao amin'ny saina matotra ve izany hafatra izany? Eritrereto hoe ny tenanao, afaka hahafantatra ireo iraka roa ireo ve ianao hoe irak'Andriamanitra, ary hanaraka azy ireo hivoaka ny tanàna dia tsy hierikerika? (Mety ao anatin'ireo nofidiana manokana ianao mba hangalanao fanapaha-kevitra dieny izao, satria misy Sodoma sy Gomora moderna izay ampitandremana amin'ny fomba tahaka izany ihany, amin'ny alalan'ny mpaminany voaporofon'Andriamanitra - ary ireo fampitandremana ireo dia hita ao amin'ny pejin'ity boky ity.

Andeha ary isika hitodika ao amin'ny Testamenta Vaovao mba ahafantarantsika lehilahy iray hafa manana hafatra hafahafa ary ahoana ny nanekena azy. Jaona dia nandrakitra an-tsoratra ao amin'ny toko 1:19-21 izao lahateny mahaliana manaraka izao, izay nifanaovany tamin'ny mpisorona sy ny olona sasany:

Jaona 1:19-21

Ary izao no nambaran'i Jaona, raha ny Jiosy naniraka mpisorona sy Levita avy tany Jerosalema hankany aminy mba hanontany azy hoe: Iza moa ianao?
Ary nilaza marina izy ka tsy nandà, fa hoy ny filàzany: Tsy izaho no Kristy.
Ary izy ireo nanontany azy hoe: Ahoana ary? Elia va ianao? Fa hoy izy: Tsy izy aho. Ilay Mpaminany va ianao? Fa izy namaly hoe: Tsia.

Ireo mpisorona sy Levita dia nahita fa ny zava-drehetra momba an'i Jaona dia hafa mihintsy- ny fitoriany ny fibebahana, ny fitafiany ny hoditra rameva, ary ny sakafony valala sy tantely remby. Izy ireo nahitsikaritra fa tsy nankany amin'ny Tempoly izy mba history, nefà ny asa fanompoany dia tena nahitam-bokatra. Very hevitra ny momba io lehilahy avy an-efitra io ry zareo ka nitady ny valin'izany; noho izany ny fanontaniana dia ny hoe "Ianao ve no Elia?" Ny mpaminany lehibe farany fantatr'ireo olona ireo dia i Malakia, izay efa 400 taona lasa. Ireo mpivavaka ireo dia nahalala tsara ny Malakia 4:5,

ary nihevitra izy ireo fa i Jaona dia ny fahatanterahan'ny ampahany amin'io faminaniana io ... Fa rehefa nanontaniana raha toa ka izy izany mpaminany izany, dia nambarany mazava tsara fa "Tsia". Dia nieritreritra izy ireo fa mety i Jaona ny fahatanterahan'ny Deoteronomia 18 izay efa nolazain'i Mosesy fa hisy mpaminany "tahaka" ny tenany. Nihalalina ny zava-miafina raha vao namaly tahaka izany i Jaona. Eny ary, i Jaona dia nandà fa tsy ny tenany ilay mpaminany mba "hampody ny zavatra rehetra"; nandà ny maha "mpaminany tahaka an'i Mosesy" ny tenany izy. Iza tokoa ary izy? Nohon'ny tsy fahatakarana ny Soratra Masina dia nanontany azy ny mpitondra fivavahana raha toa ka izy no "ilay voahosotra", ny Mesia?. Tamin' io fanontaniana io izy dia namaly "eny" sy "tsia", "eny" satria voahosot'Andriamanitra izy, "tsia" satria tsy izy ilay voahosotra iray. Tamin'ny farany, nohon'ny fahajambany ara-panahy, ny mpisorona sy ny Levita dia nanontany azy: "Iza marina ianao?" Tsy nisalasala i Jaona Mpanao Batisa (ao amin'ny Jaona 1:23) nampahafantatra ny tenany ao amin'ny Soratra Masina, nanondro azy ireo ny faminaniana izay tsy hitandry zareo ao amin'ny Isaia 40:3 ka nanao hoe: "Injany! misy feon'ny miantso hoe: Manamboara lalana any an-efitra ho an'i Jehovah, manaovalalambe any an-tany foana ho an'Andriamanitsika." Nanambara ny tenany ve i Jaona? Tsia. Jaona nanambara ny Soratra Masina izy ary ny Soratra Masina no nanambara azy. Izy no tena fahatanterahan'io Soratra Masina io.

Isaia 40:3

Injany! misy feon'ny miantso hoe: Manamboara lalana any an-efitra ho an'i Jehovah, manaovalalambe any an-tany foana ho an'Andriamanitsika.

Ary hoy Isaia: (Isaia 40:3) fa hisy iray ho avy tahaka ny feo miantsoantso any an-efitra. Jaona Mpanao Batisa izany feo izany "feo.", Malakia 3:1 koa dia manambara izany.

Indro, haniraka ny irako Aho, ary izy hanamboatra lalana eo alohako; ary ny Tompo Izay tadiavinareo dia ho avy tampoka ho eo an-tempolinny; ary ny Anjelin'ny fanekena Izay irinareo, dia, indro, tamy Izy, hoy Jehovah, Tompon'ny maro.

Averina indray ary fa i Jaona Mpanao-batisa izany dia iraka nirahina mialoha, alohan'ny nahatongavan'ny Tompo tampoka ho eo an-tempolinny. Jaona, araka ny Soratra Masina dia nahalala hoe iza izy (tenany) ary inona no asa hataony? Fa isika ve nahalala hoe iza izy?

Ankehitriny, andeha ary hojerentsika ny fomba namaritan'i Jesosy an'i Jaona Mpanao Batisa. Ao amin'ny nanambarany ny Tenany ho toy ny Zanak'olona, dia nametraka ihany Izy koa fa ny asa fanompoana izay ataon'i Jaona dia ao amin'ny Teny. Matio 17:9-13 dia mirakitra ny resaka nifanaovan'i Jesosy tamin'ny mpianany momba ny asa ataon'ny Elia voalaza ao amin'ny faminaniana Malakia 4:5, ary ny asa ataon'i Jaona Mpanao Batisa. Ao amin'io ampahany amin'ny Soratra Masina io Jesosy dia mampiseho ny asa ataon'ilay Elia izay ho avy ary hampody ny zavatra rehetra. Ary nampiseho an' i Jaona Mpanao-batisa ho toy ilay Elia mialoha ny fiavian 'i Kristy izy. Matio 17:9-13

Ary rehefa nidina avy tao an-tendrombohitra izy, dia nandrara azy Jesosy ka nanao hoe: Aza milaza amin'olona ny fahitana, mandra-pitsangan'ny Zanak'olona amin'ny maty.

Ary ny mpianany nanontany Azy ka nanao hoe: Nahoana ary no ilazan'ny mpanora-dalana fa Elia tsy maintsy ho avy aloha?

Ary Jesosy namaly ka nanao hoe: Elia dia avy ihany ka hampody ny zavatra rehetra.

Nefa lazaiko aminareo: Efa tonga sahady Elia; nefy ny olona tsy nahafantatra azy, fa nanao izay sitraky ny fony taminy. Dia tahaka izany koa no hampiaretany ny Zanak'olona.

Dia fantatry ny mpianatra fa Jaona Mpanao-batisa no nolazainy taminy.

Jaona Mpanao Batisa izany dia tena lehilahy nanana ny fanahin'i Elia, nialoha ny fiavian'ny Tompo Kristy Jesosy. Fa TSY izy "ilay Elia" hampody ny zavatra rehetra. Kanefa ny tena mpivavaka tamin'izany andro izany, dia ny mpanora-dalana sy Fariseo, na dia nitady ny Mesia aza, dia tsy nahafantatra Azy, na ny mpialoha lalana Azy. Nohamafisin'i Jesosy fa izy ireo dia tsy nahalala, nambarany fa azon'Andriamanitra atao ny mandefa lehilahy mahery iray mba tsy ho tsikaritry ny olona na dia ny mpivavaka eto amin'izao tontolo izao aza. Fa raha i Jaona izany ny mpialoha lalana, dia tsy maintsy ilaina ny fomba ahafantarana azy hoe mpialoha lalana izy, raha tsy izany dia zava-poana ny nanirahan'Andriamanitra azy. Ny tsy fahafantarana ilay "mpialoha lalana" dia mitarika ho amin'ny tsy fahafantarana hoe IZA ary lalana INONA no ialoavany?. Na dia ao amin'ny seminera teologika aza dia nampianatra fa i Jaona no mpialoha lalana, fa saingy ny anton'izany mpialoha lalana izany no tsy tao amin'ny nampianariny. Ny fepetra takian' ny taona dia ny "mpialoha lalana iray" tonga "hanomana" ny olona mba hahazo ny zavatra nampanantenain'Andriamanitra.

Andeha ary hofakafakantsika ny momba an'io ao anaty Baiboly. Raha niresaka tamin'ireo roambinifolo mpanaraka ny hafatry Jaona tao Efesosy i Paoly, "Asa 19:3", dia nanontany hoe: Fa batisa inona no natao taminareo? "Batisan'ny Jaona hoy izy ireo." Notorian'i Paoly taminy ny momba an'i Jesosy dia natao batisa tamin'ny Anaran'i Jesosy Kristy izy ireo. Izy ireo dia "nihaino" ary "nino" ny mpialoha lalana, noho izany, dia vonona izy ireo handray ny fahamarinanan'i Kristy izay tonga tamin'izany fotoana izany.

Jaona Mpanao Batisa, nitsangana teo amoron 'ny Jordana, dia nanontaniana (Jaona 1:25), "Nahoana ary ianao no manao batisa, raha tsy ianao no Kristy, na Elia , na Ilay Mpaminany?" Jaona namaly mora foana ka nanao hoe: "Izaho manao batisa amin'hy rano, fa misy anankiray eo aminareo izay tsy fantattrareo (midika fa fantany sahadys fa teo Kristy). Izay avy ao aoriako dia eo alohako, ny fehi-kirarony, izaho tsy miendrika hamaha izany." Eto i Jaona te hampiseho fa i Kristy dia teo, fa jereonareo fa i Jaona tsy manondro azy, satria ny "famantarana" mbola tsy nalefa. Jaona dia manazava ny momba ny famantarana ao amin'ny Jaona 1:29-34.

Nony ampitso dia nahita an'i Jesosy avy manatona azy Jaona, ka dia hoy izy: Indro ny Zanak'ondrin'Andriamanitra, Izay manaisotra ny fahotan'izao tontolo izao! [*Na: mitondra] Izay Ilay nolazaiko hoe: Misy Lehilahy avy ao aoriako Izay efa tonga eo alohako, satria talohako Izay.*

Ary izaho tsy nahalala Azy; fa mba haseho amin'ny Isiraely Izy, izany no nihaviako manao batisa amin'ny rano.

Ary Jaona nanambara ka nanao hoe: Izaho nahita ny Fanahy midina avy any an-danitra tahaka ny voro-mailala ka nitoetra teo amboniny.

Ary izaho tsy nahalala Azy ; fa Izay naniraka ahy hanao batisa amin'ny rano no nilaza tamiko hoe: Izay ho hitanao idinan'ny Fanahy sy itoerany, dia Izay no Mpanao batisa amin'ny Fanahy Masina.

Ary nahita aho, ka dia nanambara fa Izay no Zanak'Andriamanitra.

Tsy misy hafa, na dia i Jaona aza tsy nahalala ny Mesia mandra-pahatongan'ny famantarana nalefan'Andriamanitra izay efa nolazainy an'i Jaona mialoha. Mazava ho azy fa rehefa nahita izany i Jaona, dia hoy izy: "Ity no ilay Zanak'Andriamanitra." Raha nahalala izany Jaona mandrapa-hitany ilay vavolombelona, dia tsy tanteraka ny tenin'Andriamanitra raha misy olon-kafa efa nahafantatra ny Mesia talohany. Takatrao ve ny dikan'izany fanambarana izany?

Sarotra ho an'ny olona no nahafantatra ny fahatongavan'i Jesosy Kristy voalohany mandrapahatongan'ny famantarana ary neken'ny mpialoha lalana.

Raha azo natao ny nahafantaran'ny olona an'i Jesosy ho toy ny Zanak'Andriamanitra tsy nisy Jaona

Mpanao-batisa, ary ny hafatr' Andriamanitra dia ho zava-poana tamin'ny nanirahany an'i Jaona. Very ny mpianatr'i Jaona mpanao Batisa sasany rehefa afaka izany. Araka ny voarakitra ao amin'ny Jaona 1:35 "Nony ampitson'ny indray dia nianona Jaona sy ny mpianany roa lahy; ary njery an'i Jesosy nitsangantsangana izy ka nanao hoe: Indro ny Zanak'ondrin'Andriamanitra!" Ary ireo mpianatra roa lahy nandre azy niteny, ary dia tsy nanaraka an'i Jaona intsony fa nanomboka nanaraka an'i Jesosy. Inona no nataon 'ny mpialoha lalana? Nampiditra ny olona tamin'ny inona? Batisa, fibebahana. Fa ho amin'ny inona anefa? Mba hampisehoana ilay Zanak'ondrin'Andriamanitra, Izay manaisotra ny fahotan'izao tontolo izao, ary na dia ny mpianatr'i Jaona aza dia nanomboka nanaraka Azy.

Na dia ireo olona izay efa niaina niaraka tamin'i Jesosy aza, izay nahafantatra Azy tsara, dia tsy nanankevitra ny amin'ny hoe iza moa Izy, fa araka ny Marka 6:1-3

Ary niala teo Izy ka tonga tany amin'ny taniny, ary nanaraka Azy ny mpianany.

Ary rehefa tonga ny andro Sabata, dia nampianatra tao amin'ny synagoga Izy; ary maro ireo izay nihaino Azy no talanjona ka nanao hoe: Taiza no nahazoan'ity lehilahy ity izany zavatra izany? ary fahendrena inona no nomena Azy, dia izao, fa asa lehibe no nataony?

Tsy ilay mpandrafitra, zanak'i Maria ve io, rahalahin'i Jakoba, sy Jose, sy Jodà, ary Simona ? ary tsy ny anabaviny ve ireto miaraka amintsika ireto ? Dia tafintohina taminy izy ireo.

Ary ny olona izay nahafantatra an'i Jesosy mihitsy no tsy nahafantatra Azy ho ilay Zanakondrin'Andriamanitra. Hitanareo raha Jesosy no nidina avy tany an-danitra tahaka ny olondehibe, niakanjo akanjona mpanjaka, miaraka amin'ny andiana Anjely miisa 10.000 manaraka Azy, ka nanala ny Romanina ary nanao ny Fariseo ho mpanapaka, mety ho nekena ho Mesia Izy. Saingy, tsy izany, Izy dia tonga araka ny voalazan'ny mpaminany, teraka tany Betlehema, tao amin'ny fiinanambilona. Notezaina toy ny mpandrafitra tao Nazareta, ary nandeha niaraka tamin'ny olona teny andalambe sy ankianjan'ny tempoly, ary raha mbola nanao fahagagana sy manao famantarana Izy, toy ny nanomezany sakafo ny vahoaka tamin'ny trondro sy ny mofo, dia nanaiky Azy izy ireo. Fa rehefa nanomboka niteny ireo zavatra ireo tamindry zareo Izy, izay ho azy ireo dia fampianarana hafahafa, nanambarany ny tenany ho avy amin'ny Ray sy ny hoe: "Raha efa nahita ahy ianareo dia efa nahita ny Ray," hoy ny Soratra Masina "maro no tsy namaraka Azy intsony."

Tsia, i Jesosy Kristy, dia tsy mba nidina niakanjo fitafiana mpanjaka, satria ny sitrapon' Andriamanitra dia ny haniraka mpialoha lalana; tahaka ny nanirahany an'i Noa tamin'ny hafatra saro-patarina, tahaka izay nilazany tamin'i Abrahama, tamin'ny nataony tamin'i Lota tao Sodoma sy Gomora, dia naniraka an'i Jaona Mpanao Batisa koa Izy. Mety azo inoana ve fa amin'ny taranaka iray Andriamanitra dia manao zavatra tsy mahazatra? Raha izany, dia mety hanao toy izany ihany Izy tahaka izay efa nataony. Izy dia haniraka lehilahy iray ho iraka, ary mazava ho azy fa izao tontolo izao tsy nety nihaino. Fa izay mandre amin'ny finoana avy amin'ny Teny dia afaka hizaha toetra azy amin'ny Teny, toy ny nataon'ireo tao Beria ao amin'ny Asan'ny Apostoly 17:11, mba hahitana raha izany no Andriamanitra manambara ny Tenany ho an'ity taranaka ity.

